


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-70	Al-Ma'arij	44	2	Makkiyyah	Ke-79	5





### **Zaman Diturunkan**

Surah al-Ma'arij juga termasuk dalam surah-surah yang diturunkan kepada Rasulullah di peringkat ke-2 kehidupan Baginda di Mekah, ketika itu seruan kepada Islam telah pun dikemukakan secara terbuka, ketika itu juga Sayyidina `Umar belum lagi memeluk agama Islam kerana beliau baru memeluk agama Islam pada bulan Zul Hijjah tahun ke-6 Kenabian. Besar sekali kemungkinan surah ini diturunkan pada tahun ke-5 Kenabian sama seperti Surah al-Haaqqah. Di dalam surah ini disebutkan penyelewengan dahsyat oleh pemimpin-pemimpin kafir Quraisy dalam kewangan dan punca pendapatan mereka.

Nadhr bin Harits salah seorang pemimpin Quraisy terkenal yang kemudiannya terbunuh dalam peperangan Badar pernah bertanya: "Bilakah kiamat itu akan berlaku?", sebagai jawapannya orang-orang seperti itu diberitahu bahawa kiamat di sisi Allah sangat hampir dan dekat, mereka sepatutnya tidak bertanya tentang bila berlaku kiamat itu, sebaliknya hendaklah menyiapkan diri untuk menghadapinya. Mereka sepatutnya beriman dan mempunyai sifat-sifat terpuji sebagaimana yang tersebut di dalam surah ini. Jika tidak mereka mungkin dihapuskan dan digantikan dengan kaum yang lain, sedang azab kiamat adalah suatu yang memang benar akan berlaku.

### **Perkaitan Surah Al-Ma'arij Dengan Surah Sebelum Dan Selepasnya**

1. Di dalam Surah al-Qalam sebelum ini telah pun dikemukakan satu soalan iaitu أَفَنَجْعَلُ الْمُسْلِمِينَ كَالْمُجْرِمِينَ (Ayat: ٣٥). Di dalam Surah al-Haaqqah pula dinyatakan bahawa pemimpin-pemimpin Quraisy memang cuai dan mengabaikan hak orang-orang miskin وَلَا يَخْضُّ عَلَى طَعَامِ الْمُسْكِينِ (Ayat: 34).
2. Di dalam Surah al-Ma'arij ini pula dinyatakan bahawa pemimpin-pemimpin kafir Quraisy itu memang penjenayah dan bakhil, mereka hanya tahu mengumpulkan wang dan harta semata-mata وَجَمَعَ فَأَوْعَى (Ayat: ١٨), selain itu perihal penjenayah-penjenayah dikemukakan bahawa mereka pada hari kiamat nanti cuba untuk melepaskan kaum kerabat mereka daripada azab Allah. (Ayat: 11 dan 14).

### **Beberapa Kata Kunci Dan Tema Utama Surah**

1. Di dalam surah ini Rasulullah s.a.w. dinasihati supaya bersabar dengan sebaik-baiknya (Ayat: 5).

فَاصْبِرْ صَبْرًا جَمِيلًا ۝

5. Maka bersabarlah (wahai Muhammad terhadap ejekan golongan yang kafir itu), dengan cara kesabaran yang sebaik-baiknya.

Di permulaan Surah al-Ma'arij lagi telah pun didedahkan bahawa orang-orang musyrikin Mekah menganggap azab pada hari kiamat sesuatu yang tidak logik dan tidak masuk 'aql. Umat Islam pula dianjurkan supaya berakhlak mulia, mendirikan shalat, menunaikan zakat dan bersedekah untuk orang-



orang yang malang dan memerlukan supaya mereka terhindar daripada azab di akhirat.

2. Di dalam Surah al-Ma'arij sekurang-kurangnya tersebut 9 kali tentang hari kiamat (Ayat: 1, 6, 7, 8, 11, 26, 42, 43 dan 44).

3. Di dalam surah ini dikemukakan kesaksian رَبِّ الْمَشْرِقِ وَالْمَغْرِبِ bahawa Allah mempunyai kuasa untuk menghapuskan orang-orang kafir Quraisy dan menggantikan mereka dengan satu kaum lain yang lebih baik dari mereka. Orang-orang kafir Quraisy diberi ancaman dengan menyatakan sunnatullah dalam penukaran bangsa-bangsa. (Ayat: 40 dan 41).

4. (Ayat: 18)

### وَجَمَعَ ذَرْعَى ۝۱۸

18. Dan yang mengumpulkan harta kekayaan lalu menyimpannya (dengan tidak membayar zakatnya).

Firman Allah ini menggambarkan sikap seorang pemimpin Quraisy yang begitu bakhil dan hanya tahu menyimpan dan mengumpul harta dunia, dia bukan sahaja hanya tahu mengumpul harta bahkan dikumpulnya harta dengan cara yang tidak betul. (Ayat: 18).